

जनमीया जनमीया वार ने सोमवार मीराबाई,

दोहा भक्त बीज पलटे नही,
ओर जो जुग जाये अनंत,
ऊंच नीच घर अवतरे,
वो रहे संत रो संत ।

जनमीया जनमीया वार ने सोमवार मीराबाई,
जनमीया जनमीया वार ने सोमवार,
दूदोजी मेडतीया रे जन्मी जीवडी ओ जी,
अरे दूदोजी मेडतीया रे जन्मी जीवडी ओ जी ।।

अरे बाजीया बाजीया सोवनीया गज थाल,
भईडा बाजीया बाजीया सोवनीया गज थाल,
सोने रा सूरीया सु नारा मोडीया ओ जी,
अरे सोने री सूरीया सु नारा मोडीया ओ जी,
अरे भरीयो भरीयो मोतीडा गज थाल सहेलीया,
भरीयो भरीयो मोतीडा गज थाल,
जोशी बुलावन सैया निसरी ओ जी,
अरे जोशी बुलावन सैया निसरी ओ जी ।।

अरे ओडलो थे चिकनी रो चीर सहेलीया,
ओडलो थे चिकनी रो चीर,
बाजनी झांजरीया पेरो पाव मे ओ जी,
अरे बाजनी झांजरीया पग मे पेरलो ओ जी,

अरे गावो थेतो मंगला रे चार सहेलीया,
गावो थेतो मंगला रे चार,
अलीया गलीया मे घूमर घाल जो ओ जी,
अरे अलीया गलीया मे घूमर घाल जो ओ जी ॥

अरे किये मुंडे जोशी जी री पोल बुआजी,
किये पासे जोशी जी री पोल,
अरे केडे पेला रे जोशी ओलखु ओ जी,
अरे केडे पेला रे जोशी ओलखु ओ जी,
ए सूरज सामी जोशी जी री पोल सहेलीया,
सूरज सामी जोशी जी री पोल,
अरे डावे पसवारे पारस पीपली ओ जी,
अरे डावे पसवारे पारस पीपली ओ जी ॥

अरे सुता वोतो बाहर आवो जोशी जी,
सुता वोतो बाहर आय,
थाने बुलावे रंग रे रावले ओ जी,
अरे थाने बुलावे रंग रे रावले ओ जी,
काई पडीयो मासु काम सहेलीया,
काई पडीयो मासु काम,
किनरे कामा सु हेलो मारीयो ओ जी,
अरे किनरे कामा सु हेलो मारीयो ओ जी ॥

अरे लेवो थारा वेद ने पुराण जोशी जी,
लेवो थारा वेद ने पुराण,
दुदोजी मेडतीया रे जन्मी जीवडी ओ जी,
अरे दुदोजी मेडतीया रे जन्मी जीवडी ओ जी,
देखे देखे वेद ने पुराण जोशी जी,

देख्या देख्या वेद ने पुराण,
जुना जुगा रा देखे टिपना ओ जी,
अरे जुना जुगा रा देखे टिपना ओ जी ॥

अरे जनम रो तो जशोदा है नाम,
दुदोजी जनम रो तो जशोदा है नाम,
मीरा पुकार ने हेलो मारजो ओ जी,
अरे मीरा पुकार ने हेलो मारजो ओ जी,
ए रमती सहेलीया रे साथ मीराबाई,
रमती सहेलीया रे साथ,
रमती मीरा ने लागो काकरो ओ जी,
अरे रमती मीरा ने लागो काकरो ओ जी ॥

अरे काकरो मारे कालजीया री कोर,
सहेलीया काकरो मारे कालजीया री कोर,
अरे लागोडो काकरीया रो लंसन लागसी ओ जी,
अरे लागोडो काकरीया रो लंसन लागसी ओ जी,
अरे गावे गावे कुडकी रे माय,
मीराबाई गावे गावे कुडकी रे माय,
सावरियो मिलीयो मीरा ने आयने ओ जी,
अरे सावरियो मिलीयो मीरा ने आयने ओ जी ॥

जनमीया जनमीया वार ने सोमवार मीराबाई,
जनमीया जनमीया वार ने सोमवार,
दूदोजी मेडतीया रे जन्मी जीवडी ओ जी,
अरे दूदोजी मेडतीया रे जन्मी जीवडी ओ जी ॥

गायक प्रकाश माली जी ।

प्रेषक मनीष सीरवी
9640557818

Source:

<https://www.bharattemples.com/janmiya-janmiya-vaar-ne-somwar-meerabai-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>